



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH», broj: 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH», broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU KOMUNISTIČKE NARODNE PARTIJE BiH

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole.....	4
Cilj pregleda i kontrole .....	4
Obim pregleda i kontrole .....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2. PREPORUKE .....	5

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Komunističke narodne partije BiH za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2017. godinu Komunističke narodne partije BiH, utvrđeno je da je stranka prekršila odredbe člana 12. stav (5) Zakona o finansiranju političkih stranaka.**

**Na osnovu ograničenog djelokruga kontrole finansijskog izvještaja, zbog nemogućnosti da se od političke stranke pribavi dodatna dokumentacija, nije bilo moguće utvrditi da li se Komunistička narodna partija BiH finansirala u skladu sa Zakonom o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Komunističke narodne partije BiH za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Komunistička narodna partija BiH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	200,00	100,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d)	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>200,00</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>200,00</b>	<b>100,00</b>

U godišnjem finansijskom izvještaju za 2017. godinu Komunistička narodna partija BiH iskazala je rashode u iznosu od 170,00 KM.

## 2. PREDSTAVLJANJE POLITIČKE STRANKE

Naziv političke stranke je Komunistička narodna partija BiH. Skraćeni naziv stranke je KNP BiH. Stranka je registrovana kod Općinskog suda u Tuzli, rješenjem broj: 032-0-Reg-17-000543 od 30.03.2017. godine sa sjedištem u Tuzli, adresa Stupine B5.

Lice ovlašćeno za zastupanje stranke u 2017. godini je Fahrudin Buljugić, predsjednik stranke.

Lice ovlašćeno za podnošenje finansijskih izvještaja za 2017. godinu je Fahrudin Buljugić.

Prema podacima iz godišnjeg finansijskog izvještaja za 2017. godinu, stranka nema niže organizacione dijelove.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Komunističke narodne partije BiH za 2017. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka..

**Obim pregleda i kontrole** finansijskih izvještaja Komunističke narodne partije BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja.

#### **4. PRETHODNE KONTROLE I REVIZIJE**

Pregled i kontrola godišnjih finansijskih izvještaja Komunističke narodne partije BiH obavlja se prvi put.

#### **5. NALAZI I PREPORUKE**

##### **5.1 NALAZI**

**Pregledom godišnjeg finansijskog izvještaja utvrđeno je da je Komunistička narodna partija BiH prekršila odredbe člana 12. stav (5)<sup>1</sup> Zakona o finansiranju političkih stranaka.**

Komunistička narodna partija BiH nije dostavila traženu dodatnu dokumentaciju, čime je prekršila odredbe člana 12. stav (5) Zakona o finansiranju političkih stranaka.

Dana 25.09.2018. godine, Centralna izborna komisija BiH uputila je stranci Zahtjev za dostavljanje dodatne dokumentacije, broj: 03-07-6-406-2/18 kojim je od stranke zatraženo da dostavi: bruto bilans na dan 31.12.2017. godine, glavnu knjigu sa kompletnom analitičkom evidencijom za period 01.01.-31.12.2017. godine, završni račun, dokumentaciju o korišćenju poslovnih prostora u 2017. godini, kopiju izvoda sa transakcijskog računa, broj: 1404011130002935 kod Sberbank i kopiju statuta stranke.

S obzirom da stranka nije dostavila dodatnu dokumentaciju, prekršila je odredbe člana 12. stav (5) Zakona o finansiranju političkih stranaka.

Dana 01.10.2018. godine, predsjednik stranke g-din Fahrudin Buljugić poslao je e-mail Centralnoj izornoj komisiji BiH, u kome je tvrdio da je on završni račun poslao u elektronskoj formi i putem pošte koju Centralna izborna komisija BiH nije nikada zaprimila, te se time ne može smatrati da je i dostavljen. Takođe, obavjestio je nas da je on invalid bez obje noge i da se trenutno nalazi van Bosne i Hercegovine na liječenju, te da nije u mogućnosti da dostavi traženu dodatnu dokumentaciju, a nema nikoga ko bi to u ime stranke i dostavio. Tvrdi da stranka tokom 2017. godine nije imala novčanih transakcija i da nisu imali poslovni prostor, te preporučuje da mu se stranka izbriše iz registra. Imajući u vidu činjenicu da stranka nije dostavila rješenje suda o brisanju iz registra, navodi iz e-maila se ne mogu prihvatiti kao relevantna činjenica.

##### **5.2. PREPORUKE**

***Preporučuje se Komunističkoj narodnoj partiji BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da na zahtjev Centralne izborne komisije BiH dostavlja i druge izvještaje i dokumentaciju koja se traži od političke stranke.***

---

<sup>1</sup> Sva lica koja su dužna da podnesu izvještaj moraju da podnesu i dodatne izvještaje koje Centralna izborna komisija BiH zatraži.

## **KOMENTAR**

Komunistička narodna partija BiH nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Pomoćnik revizora

Mr.sc. Goran Cicović

Šef Službe za reviziju

Mr.sc. Hasida Gušić